

Tamassi ullorsiornitsinni pilluaritsi.

Ataatsimoorneq susassareqatigiinneq tassaapput inuiattut nukittoqqutigut pingaarnerpaat, ulluni kingullerni pisut takutippaat qanoq pisariaqartiginersut.

Ikaarsaariarnermut ataatsimiititaliamiit pissusissamisoortissimavarput Kommunissatta nutaap atissaanik ilisarnaatissaanillu toqqaaneq Inuiattut ullorsiorterpoq eqqorlugu ingerlatissallutigu.

Kommunip nutaap atissaanik ilisarnaatissaanillu unammisitsineq upernariartornerani ingerlanneqarpoq.

Unammisitsinermilu imatut piunasaqaasersortoqarpoq :

Taaguutissaq kommunemi nunap immikkoortuani pinngortitap nunallu pissusiinut aammalu oqaluttuarisaanikkut kulturikkullu taasassartaanut attuumassuteqassaaq, taajuminartuulluni kommunellu avammut takutinneqarneranut iluaqutaasinnaassalluni.

Ilisarnaatissaq pillugu ilisarnaat paasiuminartuussaaq ilisariuminartumillu assiliartaqassalluni, ikinerpaanillu qalipaasersugaassalluni, makku qalipaait* arlaat atorveqassapput aappaluttoq, tungujortoq, qernertoq, qorsuk, kajortoq kiisalu qaqortoq.

Peqataasinnaanermut piunasaqaaitit imaapput :

Peqataasinnaassaguit kommunimi nutaami pineqartumi najugaqassaaitit

Kommune piginnittussanngussaaq ajugaasup siunnersuutaa

atulerniariaruniuk.

Siunnersuutinik tunniussinissaq kingulleq pivoq 1. maj 2017

Siunnersuutit amerlasoorpassuit tinguneqarnikuupput, siunnersuutit 261-it, ilisarnaatissaanut siunnersuutit 113-it, kommunillu atissaanut 148.ut.

Kommunip atissaanik ilisarnaatissaanillu inassuteqaasiortitanik pilersitsinissaq Ikaarsaariarnermut ataatsimiititaliap inissititerluni ataatsimiinnerani aalajangiunneqarpoq. Ikaarsaariarnermut ataatsimiititaliap

aalajangenera imaappoq: partiit tamarmik immikkut inassuteqaasiortussaaitami ataatsimik ilaasortassaminnik toqqaassasut. Inassuteqaasiortussaaitat kingullermik inassuteqaasiorniarlutik ataatsimiinerminni aalajangerput kommunissatta atissaanik ataatsimik inassusiorniarlutik aamma kommunissap ilisarnaatissaatut siunnersuutunik marlunnik aningaasaqarnermut ataatsimiititaliamut inassuteqarniarlutik.

Inassuteqaatit tunngavigalugit Aningaasaqarnermut ataatsimiititaliaq aamma Ikaarsaariarnermut ataatsimiititaliaq imatut toqqaapput :

Kommunip atissaa:

Ikaarsaariarnermut ataatsimiititaliap tamarmiulluni kommunip nutaassap atissaa 1. januar 2018-mi atuutilertussaq toqqarpaat tassaassasooq ” Avannaata Kommunia ” Maluginiarneqassaaq atissaani Kommunia ”i”-mik toornilimmik allanneqarmat, tamannalu Oqaasileriffimmiit tunngavilersuinerit malillugit aaqqinneqarsimalluni.

Siunnersuuteqartuniit 148-suniit 14-it siunnersuutaat Avannaata Kommunia toqqarneqarpoq, taakkualu tamarmik Kr. 3000,- nik akissarsitinneqassapput.

1. *Avigiaq Petersen, Qaanaaq*
2. *Leo Duneq, Qaanaaq*
3. *Panigpak Miteq, Qaanaaq*
4. *Qillaq Jerimiassen, Qeqertat (Qaanaaq)*
5. *Sequssuna Duneq, Qeqertat (Qaanaaq)*
6. *Kirsten Sakariassen, Tasiusaq (Upernavik)*
7. *Ludvig Knudsen, Kangersuatsiaq (Upernavik)*
8. *Jakobine Markussen, Uummannaq*
9. *Hans II Petersen, Ukkusissat (Uummannaq)*
10. *AMS 1.b 2016/17, Ilulissat*
11. *Hanne Holm Andersen, Ilulissat*
12. *Makkannguaq Berthelsen, Ilulissat*
13. *Marie Dorph, Ilulissat*
14. *Nuka Hansen, Ilulissat*

Taavalu Kommunip ilisarnaatissaanut tunngasoq.

Tinguneqarsimapput siunnersuutit 113-nit kommunip ilisarnaataanut, Ikarsaariarnermullu ataatsimiititaliap toqqarpaa imatut tunngavilersuusersorluni siunnersuut tinguneqarsimasoq.

Kommunip ilisarnaatissaanut tunngavilersuutit.

Ulloriaq:

Kumuuni ataaseq kateriffiusoq, innuttaminik assigiimmik atungassaqaartitsisoq.

Ullorissap kajortumik qalipaaserneru: Kommunissaq *ersarissumik* anguniagaqaarluni inissisimasoq.

Tungujortumik tunuliaqutsinneranut pissutaavoq silaannarput isorartooq ataasioq ersersinniarakku.

Qimmit sisamat qaqortumik tunuliaqutseqqasut:

Illoqarfiit sisamat qimmeqarfiusut sikusartumiittullu (qaqortoq).

Qimmiutinnerinut pissutaavoq qimmeq tassaammat kommunissatsinni uumasuummat kulturitsinnut ilaalluinnartuusoq taassumalu eriagisassaanera pingaartikkakku.

Qimmit portuliartortumik inissisimanerannut pissutaavoq illoqarfiit pineqartut avannaata sinerissuani inissisimanerattut inissikkusukkakit. (Geografisk placering). Qimmit tamarmik amerlaqatigiiaarlutik qeqqata tungaanut imminnut samminerat illoqarfiit suleqatigiinnissaanik isumaqartippara.

Qaleralik tungujortumik tunuliaqutilik:

Qaleralik kommunissatta imartarujussuaniitoq tassaavoq illoqarfinni nunaqarfiinilu inuussutissarsiornikkut pingaarutilerujussuaq. Tungujortumik tunuliaqutserneranut pissutaavoq immartarujussuarput ersersinniarakku.

Qaleralip ilisarnaammi allingorlugu ersarissumik inissinneranut pissutaatippara kumuunissatsinni aningasaqarnikkut inuuniarnikkullu qaleralik tunngavileeqataammat nammaqataalluinnarlunilu taamaattumillu pingaaruteqarluinnartuulluni.

Kommunip ilisarnaataanut siunnersuuteqartoq tassaavoq

1. Marie Dorph, Ilulissat

Ilisarnaatissamut siunnersuuteqartoq kr. 15.000,- nik akissarsissaaq.

Marie Dorph maannarlutit ilisarnaat takutinneqarneranut peqataajartorit.

Tassa massakut ullup ingerlanissa malillugu ingerlaqqissaagut, tamassi maani najuuttusi innuttaasullu tamassi Ikaarsaariarnermut ataatsimiititaliaq sinnerlugu ullorsiornitsinni pilluaquassi ullorlu atorluarniarisiuk.

Inussiarnersumik inuulluaqqusilluga
Palle Jerimiassen

Ikaarsaariarnermi ataatsimiititaliami siulittaasoq.